

"Auxilio" so tabata gritonan cu tabata resona..

Tragedia riba lama pazuid di Santana di Cacho

Duikteam a haya handbag y paña den awa...

ORANJESTAD(AAN): -- A keda confirma cu esnan cu ta maneha e boto cu ta trece ilegalnan ilegalmente for di Venezuela, ta hendenan sin curazon, pasobra den pasado caba tabata tin testimonio cu a bisa di a mira con hende ta ser obliga di bay den lama y finalmente a wak con nan a sink den lama gritando pa auxilio y despues nada mas.

Esaki a ripiti tambe Diadomingo marduga ora cu un biaha mas un grupo di mas of menos 20 persona a ser baha pazuid di Santana di Cacho den e lama bruto cu un coriente masha fuerte mes.

Tin indicacion cu algun tog a logra yega tera, pero tin indicacion tambe cu varios no a yega tera, pero a keda drief y a hoga, gritando auxilio den ansia di morto.

Tur cos a cuminsa Diasabra anochi algo prome cu mey anochi, unda e capitán cu e boto sin nomber a yega y baha e grupo di mas of menos 20 persona pazuid di Santana di Cacho den Colony.

E informacion cu a drenta tabata bisa cu tin un boto a drenta na Santo Largo pa cual motibo personal di Warda Nos Costa a bay mesora den e direccion aki hunto cu Polis pa asina vigila pafor riba caya y warda dia habri pa nan drenta e matanan di mangel.

E boto di Kustwacht tambe a sali mesora di e melding di Santo Largo y ta bin topa despues cu e boto cu a trece ilegal na dos miya pazuid di Isla di Oro cu anker na awa pasobra su motor a dañá.

E capitán a bisa di a baha e ilegalnan na Santo Largo.

Asina a dura oranan te cu algo pasa di 6'or cu tur hende tabata cla pa drenta e mangelnan pa saca e ilegalnan cu a drenta informacion cu tin ilegalnan wanta na e stakanan den e lama pazuid di Rodgers Beach.

Ora cu polis a bay na Rodgers Beach no a nota nada y esnan eybanda a bisa di no a mira nada.

A resulta cu berdad riba un di e stakanan tabata tin un homber sinta y for di tera dificilmente por a mire.

E homber aki a ser haya pa un boto di Kustwacht cu tambe a bay den e direccion aki.

Na momento cu e boto a yega e homber a bisa cu for di e anochi e tabata eynan y asina el a conta henter e storia di e tragedia riba lama y con el a mira hende pidiendo auxilio hogando pasobra lama tabata bruto y nan no sa landa.

E si a logra landa sin ningun pertenencia na su curpa y logra yega te na e staka.


Asina a bin saca afor cu berdad ta pariba e grupo a trata di drenta y tin cu a yega tera pasobra a haya algun paña na tera.

Despues di a bay bek cerca e capitán a papia cune duro unda el a admiti di berdad drenta pariba cu e ilegalnan y bentanan na awa.

Un buskeda a cuminsa den lama unda personal di Kustwacht a logra haya un curpa sin bida cabez bao pega riba e rif pazuid di Rodgers Beach.

El a ser saca for di den lama y hiba na e pier di Rodgers Beach caminda dokter a presenta y constata morto di e homber aki cu tabata den su carson di abao y no tabata tin ningun papel riba dje.

E curpa a ser tuma den beslag riba orden di Ministerio Publico mientras cu recherche a cuminsa cu investigacion riba e caso



serio aki.

Duikteam a ser yama tambe unda nan a cuminsa cu un buskeda mesora den fondo di lama y a haya solamente un of mas handbag di ilegalnan cu lo a hoga, pero cu no a haya nan curpa.

E capitán a ser busca bek na Dakota unda e tabata cera caminda recherche a cuminsa cu interrogacion mirando cu e awor e ta ser acusa di asesinato.

Awor nos ta bay mira con henter e caso aki lo lora pasobra ta masha tempo caba parlamento mester a haci su trabao riba e asunto aki y cada biaha cu yega un di e botonan aki tur bieu carga cu

illegal, e ley mester a ser adapta di tal forma cu e capian mester a keda sera pa intento di asesinato y ademas e boto confisca mesora.

Pero manera customber nos parlamento ta drumi.

Pa loka ta e curpa sin bida, mester cuminsa busca pa sa di ki parti e ta aunke for di primera bista ta parce cu ta di Colombia.

Aki tambe consul Colombiano tambe mester a haci su huiswerk masha tempo caba si mira cu cada biaha ta Colombiano ta esnan cu ta yega ilegal cu promesanan falso cu ta yega den nan direccion prome cu nan sali for di Colombia pa bin Aruba.

DOUBLE TALK!!



BEST DEAL

Tel: 5827100

(Pariba di Aruba Bank, 7aradera)

BEST SHOPPING DEAL

Turibana Plaza

Tel: 5865455

Hair Salon

Dryer

Afl. 75,=